



Broj predmeta: 13-002406/22
Broj akta: 01.1-1413EK-0033/22
Datum, 15.11.2022. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19) i čl. 70 stav (4) Zakona o javnim nabavkama („Službeni glasnik BiH broj: 39/14), a u skladu s članom 69. stav (2) tačka e), čl. 69. stav (2) tačka d) i čl. 69. stav (a) tačka d) Zakona o javnim nabavkama («Službeni glasnik BiH», broj: 39/14) Zapisnik o pregledu i ocjeni ponuda sa preporukom broj: 13-002406/22 od 4.11.2022. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak nabavke za pojedine lotove iz provedenog otvorenog postupka za nabavku radova na izgradnji i rekonstrukciji puteva, ulica i trotoara na području Brčko distrikta BiH 3/2022 za potrebe Odjeljenja za javne poslove Vlade Brčko distrikta koji je pokrenut na osnovu Odluke o pokretanju postupka javne nabavke broj: 13-002406/22 broj akta:03-1416RS-002/22 od 26.8.2022. godine, Obavještenja o nabavci na portalu javnih nabavki broj:1157-1-3-485-3-568/22 od 1.9.2022. godine, predmjera radova u vezi sa Tenderskom dokumentacijom broj: 13-002406/22

za lotove 5,9,15,28,32,34,43,45,47,55,56,58,59,63,64,68,69,70,71 i 72 iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke,

za lotove 2,6,10,11,18,19,20,21,22,23,24,25,31,35,40,42,44,48,49,50,51,52,54,60,61,62,66 i 67 iz razloga što nije dostavljena nijedna ponuda u određenom krajnjem roku, što prema čl. 69. stav (2) tačka a) Zakona o javnim nabavkama predstavlja osnov za poništenje postupka javne nabavke,

za Lot 53 iz razloga što nije dostavljena nijedna prihvatljiva ponuda, što prema čl. 69. stav (2) tačka d) Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno devet ponuda, sljedećih ponuđača: „Santovac“ d.o.o. Brčko, „Roading“ d.o.o. Gračanica, „Gradnja Cop“ d.o.o. Brčko, „Arapovac putevi“ d.o.o. Čelić, „Eko prom“ d.o.o. Brčko, „Agip“ d.o.o. Brčko, „Bijeljina put“ d.o.o. Bijeljina, „Balegem“ d.o.o. Gradačac i „Galax - niskogradnja“ d.d. Brčko. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije. Za lotove 9 i 53 je zahtijevano dostavljanje garancije za ozbiljnost ponude. Ponuđač „Balegem“ d.o.o. Gradačac je dostavio ponudu za Lot 9 kao i garanciju za ozbiljnost ponude kako je to zahtijevano tenderskom dokumentacijom. Ponuđač „Santovac“ d.o.o. Brčko je dostavio ponudu za Lot 53 ali nije dostavio garanciju za ozbiljnost ponude u skladu sa tenderskom dokumentacijom. Garancija za ozbiljnost ponude nije dostavljena u zatvorenoj plastičnoj

foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača), nego je folija otvorena i sadržaj se zato može nesmetano mijenjati. Ponuda ponuđača „Santovac“ d.o.o. Brčko za Lot 53 je ocijenjena kao neprihvatljiva. Ostale ponude su ocijenjene kao prihvatljive u pogledu načina pripreme i dostave ponude. Komisija je izvršila analizu kvalifikacionih kriterija kod ponuđača u skladu sa članom 45. do 51. Zakona. Komisija je ustanovila da su svi ponuđači kvalifikovani osim ponuđača „Gradnja cop“ d.o.o. Brčko za kojeg je ustanovljeno da je djelimično kvalifikovan, odnosno da je kvalifikovan za sve lotove za koje je dostavio ponudu osim za lotove 12,13 i 15. Tenderskom dokumentacijom za navedene lotove je zahtijevano postojanje uspješnog iskustva na realizaciji minimalno tri ugovora u posljednjih 5 godina na realizaciji radova na izgradnji ili rekonstrukciji ulica i puteva. Ponuđač „Gradnja Cop“ d.o.o. Brčko je dostavio ukupno 4 potvrde o uspješnoj realizaciji ugovora. Sve četiri potvrde se se odnosila na održavanje i nasipanje makadama, te kao takve ne mogu biti validne za poslove izgradnje i rekonstrukcije kao ni izgradnje trotoara, odnosno navedene reference ne mogu biti prihvaćene kao validne za lotove 8,14 i 41. Prema ocjeni stručnih članova komisije, navedene reference mogu biti prihvaćene kao uspješno iskustvo za lotove makadamskih puteva, dok za ostale ponuđene lotove ponuđač nije dokazao zahtijevano uspješno iskustvo. Kvalifikovani ponuđači su dostavili ponudu u skladu sa zahtjevima iz tehničke specifikacije. Nije bilo računskih greški u prilikom analize dostavljenih ponuda. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim. Sve ponude su bile prihvatljive jer su bile u skladu sa zahtjevima iz predmjera radova. Izvršena je računaska kontrola i utvrđeno je da su sve ponude ispravne, osim ponude ponuđača „Gradnja-cop“ d.o.o. Brčko, koji je dostavio saglasnost za ispravku. Komisija je ustanovila da postoje elementi neprimodno niske cijene ponuda za Lot 38 i od ponuđača je zahtijevano dostavljanje pojašnjenje koje je dostavljeno i kao takvo i prihvaćeno. Izvršena je e-aukcija i kod pojedinih lotova je došlo do smanjenja cijena u odnosu na cijene sa otvaranja ponuda. Utvrđeno je da je iznos najpovoljnije ponude na lotovima 5,9,15,28,32,34,39,43,45,46,47,55,56,58,59,63,64,68,69,70,71 i 72 veći od procijenjene vrijednosti nabavke i od Odjeljenja za javne poslove je zahtijevano dostavljanje informacije o postojanju dodatnih sredstava za finansiranje nabavke. Odjeljenje se izjasnilo da za lotove 39 i 46 postoje obezbijedena sredstva u iznosu najpovoljnijih ponuda te se se može nastaviti postupak dodjele ugovora. Za lotove 5,9,15,28,32,34,43,45,47,55,56,58,59,63,64,68,69,70,71 i 72 nema obezbijđenih sredstava te se za te lotove poništava postupak nabavke. Komisija je dostavila preporuku o poništenju postupka nabavke za lotove 2,6,10,11,18,19,20,21,22,23,24,25,31,35,40,42,44,48,49,50,51,52,54,60,61,62,66 i 67 jer nije dostavljena nijedna ponuda u određenom krajnjem roku. Za Lot 53 je komisija za javne nabavke dostavila preporuku o poništenju postupka nabavke jer za navedeni lot nije dostavljena nijedna prihvatljiva ponuda.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Odjeljenju za javne psolove,
3. Gradonačelniku,
4. Ponuđačima,
5. Arhivi.

